

忠雅堂文集

詩原序一

卷一



編修蔣君清容子視學西江所拔士君起寒畯四齡母授書斷
竹篴爲波磔點畫攢簇成字教之十一父縛之馬背游太行十
五完九經乃就傅甫冠而歸二十二予以詩古文辭識之明年
食餼登賢書自是數從子使車游請業甚勤甲戌釋褐官中書
丁丑予主禮闈君成進士朝考冠其列三年散館授今職君耿
介廉敏不諧于俗官都下閉門謝客日依侍母側刻苦齋鹽中
且數數拯人患苦以是日空乏壬午分校京闈得士十五人每
慨然向予曰某以窮士忝竊侍從拙于士宦自揣空教授于鄉
吾母又不樂俯仰塵土中明年且令去請去公爲何如予曰君
行其志可耳又笑疑乃出其詩若干卷乞一言教之夫有行者
斯有言君將四十生平無遺行志節凜凜以古丈夫自礪所言

皆發諸性分而用古人法律不務勦襲絕雷同錚然別開生面數十年來行輩中罕見其匹也予又安能測其他日所至耶然君利濟之懷特殷殷于世苟見用當時必有不負所官者空言云乎哉予且拭目俟之矣乾隆壬午臘月甌山金德瑛檜門書于經齋中

詩原序二

作詩如作史也才學識三者空兼而才爲尤先造化無才不能造萬物古聖無才不能制器尙象詩人無才不能役典籍運心靈才之不可已也如是夫然而自古清才多奇才也詩人少清才邈清才宋神宗讀蘇軾文歎曰奇才才中八計蔣君心餘奇才也癸酉過眞州見僧舍題壁心慕之遂與通書後來金陵唱喁講討相得益甚去年余游匡廬過君家君半

體枯矣聞余至蹶然起力疾遮留手乞乞然授口吃吃然托曰
藏園詩非先生序不可藏園者君所居園名也嗚呼君之初心
豈欲以詩見哉及今病且老計無所復而欲以詩傳可悲也然
君有所餘于詩之外故能有立于詩之中其搖筆措意橫出銳
入凡境爲之一空如神師怒蹲百獸懾伏如長劒倚天星辰亂
飛鐵厚一寸射而洞之華嶽萬仞驅而行之目巧之室自爲奧
阼袒而搏戰前徒倒戈人且羨且妬且駭且卻走且訾謗無不
有也然而學之者非折脅卽絕臙矣非壺哨卽鼓儼矣故何也
則才之奇不可襲而取也雖然君之奇豈獨詩而已耶君秀挺
聳立目長寸許聞忠義事慷慨欲赴趨人之急若鷺鳥之發恩
鰥寡者艾無所靳諧咲縱謔神鋒森然其意態奇初入京師望
之者萬頸胥延登玉堂將速飛忽不可于意掉頭歸其行止奇

不數年聞

天子屢問及之仍往供職卒浮沈不遷及召見將以御史用而君病甚不得已歸遇合尤奇嗟乎君之數奇豈其才之奇有以累之耶知君者幸君不病竟不歸隆隆而升安知不躡青雲爲麟鳳之翔耶今其官棄其身全燼于形不燼于神其名園以藏也取善刀而藏之之意空也不知刀可藏詩不可藏周官之書藏山岩屋壁矣白傅之詩藏香山東林兩寺矣千百年來誦讀徧天下藏耶不藏耶同時趙雲松觀察服君最深適以詩來索序余老矣思附兩賢以傳遂兩序之而兩質之錢塘袁枚撰

忠雅堂文集卷一

詩一

鉛山 蔣士銓 心餘

九日靈巖寺登高二首

甲子 時年二十

山勢峻嶒據上游，直疑呼吸接神州。
千家山郭馮闌見，萬疊雲煙拍座浮。
鑛穴樹根空洞出，黃河天外混茫流。
不妨高咏元暉句，十二丹城在上頭。

豪氣凌虛迴不羣，重欹烏帽學參軍。
墨花四散中峯雨，筆陣全收下界雲。
大地煙霞浮指掌，諸天梵唄雜聲聞。
臨風莫洒懷鄉淚，古木蒼涼送夕曛。

卽事

燕子樓東酒旆斜，雞埭豚柵幾人家。
短籬黃蝶忽驚去，飛上野田蕎麥花。

太行絕頂二首

一色芙蓉簇紫光紅泥遙指舊宮牆
高天鸛鶴窮秋出大澤龍蛇白日藏
鎖鑰是誰司上黨風雲曾見會南陽
忽看隻雁婆娑下王屋中峯轉鬱蒼

飄然襟袂挾剛風七國山河俛瞰中
土石千重分項背元黃一氣轉鴻蒙
驚人事業英雄夢過眼文章造化工
獨喜時清無設險漫將行路比蠶叢

新鄭

不孝不弟復不忠春秋以前無此公
尚以仁義盡列辟罄控豎子矜英雄
無母遺羹弟餬口覲顏引媿誠何衷
先君新邑故可念獲也佐子欺愚蒙
政刑已失禮樂變消息本與聲音通天
心微妙不可測考終每每寬姦兇三男
出入等蛇鬪傳瑕祭仲難

爲功太宮之椽不可保八子其四皆無終可憐後世箋詩者孤
負風人咏狡童

李家寨曉發

雞聲催落月客路斷魂時破廟狐吹火孤墳鬼唱詩曉寒憐僕
病道遠惜驢疲殘夢猶堪續徐行正未遲

東王店

西風獵獵雉媒秋袴褶花驄錦臂鞢馬上呼鷹壚下醉太平軍
士不知愁

湖口縣守風

家鄉無數好煙鬟青入東南第幾灣不似太行窗戶裏年來飽
看割愁山

大姑塘二首

女兒港上女兒家蟹舍魚罾對浣紗白石清溪看不厭滿湖風色凍漁父

數椽板屋一圍籬漁父偷閒作餅師何處邨醪堪取醉紅燈挑上酒家旗

食鯉魚鮓

紅糟餞瓮印珊瑚北地燕支紫玉膚得向潯陽飽鄉味秋風也當四顧鱸

曉泊黃溪渡守風二首

市小冬歸客湖寬暝聚船寒雞茅店雨晚飯柁樓煙酒薄難爲醉魚腥不直錢何當故鄉路留滯轉悽然

沙頭高岸縮風緊暮寒增家事猜無限鄉音學未能人沽迎臘酒犬吠隔離燈不寐推篷起低回雁一羣

尾畢通

尾畢通城上鳥三年辛苦將一雛羽毛漸乾雛忽死老鳥繞樹
呀呀呼我語老鳥爾勿哭巢間尙有同栖鷁老鳥低頭作人語
同巢之雛各有母縱能反哺及他人不若我雛親其親

上灘

乙丑

殷雷出地奮坤軸斗欲撼高浪建瓴甌碎石激九卵聞響氣已
奪作勢力尤悍羣龍舞幽壑萬馬突飛機如梯級直拾如閭闔
橫限會趨猛難束一注下莫緩險阻艱客濟疏鑿信天豈方舟
不徑上利涉肯中返攘臂同一呼鼓楫孰能懶半步未苟移百
夫已全袒踴躍汗濡首彳亍水沒胛強項恃腹背勁氣積頤頤
若扛百斛鼎來走九折坂或凭或擁扛或牽或負纜曳尾龜掉
泥兀尻驢息喘眦決視自疾肩脅笑詎諂競渡心則一助力呌

齊賦相持進匪易稍失退莫挽踏石恐蹶盤砥波謗腰敢濺沫
洒飛雨流藻濯青毯檣卧鸞斂帆篙撐鼃破胆風逆屢迴柁日
烈故張繖噬臍白鳥避拔脚綠苔染裂膚誰得辭裸體不遑赧
抱竹猱在木駢肩鬼相魔上灘復下灘出坎旋入坎衣食託羶
瘁顏色異黹黹壯者塵撲面老者雪盈髭奚弗馳康莊而甘冒
傾險沽酒勸人醉烹魚召客飯生業頗自足苦樂未知感我生
勞實多百慮苦莫斬結童歷舟車中年懼礪礪奔馳憂刺促歲
月去甚苒苒倏忽逝錯迂安能事恬澹終朝抱紆鬱一卷罷流覽
推蓬望邨邑秋林雜青紺風濤日鼓舞耳目或澄湛人心逐波
浪周道若爲坦

夢老僧贈紫石

水巖蒼蒼拂雲起鬼斧潛磨鑿山懷淬如含笑羶羊愁割取南

方半天紫水肪削就芙蓉片淚眼凝珠泣金綫骨重曾勞巧匠
剗神寒不許媧皇鍊山僧九十狀如虎百八寒星指輪數帖地
櫻毛卧鉢龍長眉眞見先生古相看一笑贈山骨云是詩人舊
時物我舉問師師不言西來妙義誰爲佛曉漏催人發深省摩
挲尚覺羊肝冷便飽松煙奮筆花一試邱遲夢邊錦

金山

空青縣萬仞雪浪齧孤根元氣留江影天光縮漲痕魚龍陰拜
舞巖壑怒崩奔向晚千帆沒蒼茫海氣昏

妙高臺

俯瞰秋無際羣峰列短屏鷗盤山翠濕龍挾海潮腥花雨開鐘
梵神風語璫鈴帝閭知不遠誰與叩青冥

留雲亭觀海

縱目青天外乾坤入杳冥混茫旋一氣分野亂羣星直下都無地空中獨有亭仙槎如可借我欲泛滄溟

浮洲寺

倒景開平湖淺漲落沙步一徑入空翠亂石出新路深林蓄微涼修竹莽迴互虛亭上暝色波光動秋樹雲氣蒼茫生漁艇晚煙赴

送客

高寒凌葇雲返照入秋色皎皎明月光蕭蕭遠行客越鳥愁東西征鴻怨南北凝睇心茫然船窗上虛白

秋夜病懷

夜氣沈霜影秋河直午天雁聲孤月裏人夢五更前久病疑虛室餘魂怯曉煙不堪身世想寥落感中年

湖上晚歸

濕雲鴉背重野寺出新晴敗葉存秋氣寒鐘過隔聲半檐羣鳥入深樹一燈明獵獵西風勁湖心月乍生

秋日過浮洲寺

秋雲漠漠雨綿綿一夜湖東水拍天閣岸紅衣搖落盡浪花堆滿寺門前

寄楊子載

鄉園葺間劒南程愁絕瞿唐濫潁聲八口流亡悲世胄一衿潦倒愧諸生空舫夜雨黃牛峽魚復秋笳白帝城目斷盤叢惟鳥道極天關塞重傷情

薦福寺

古刹蕭然冷劫灰殘碑何處偃蒼苔不關天地非奇困能動風

雷亦異才佛子堂空香雨散英雄墳老野花開白楊摧盡無封
墓寒食憑誰展墓臺

康郎山

水氣一帆隱微陰作算天亂峰銜雨出孤月抱秋圓岸斷來漁
火曾空入晚煙誰知青筇底有客枕書眠

二十一歲初度

無端燕趙浪悲歌慷慨逢人說奈何一代風雲貧賤合十年兄
弟別離多吟邊謝客愁春艸望裏張星隔絳河時將就明日渡江
遲桂檝半帆凍景下寒波

番君廟

四首

漢定天下封功臣異姓而王者八國稱忠祇一長沙王生都臨
湘死廟食暴虐當時苦秦政獨有番君重民命撫字能仁殺賊

勇漢家名將秦時令昏嫺早識驪山徒擇婿忍教孫同誅布
何嘗欲爲帝恨不陰殛賁大夫我聞婦人可畏宜自防盧縮
作東湖王賜醢勿怪獵者怒同朝之內寧堪嘗走狗盡烹良弓
藏正道不失王獨昌韓彭殺身亦誰咎不見番君傳號五世而
後亡至今宗庶盛其族潔修俎豆陳馨香禦災捍患在祀典都
人敬獻牲牛羊於乎丈夫功業立天下生王死神寧苟且江湖
民心亦易得在爾鄱陽後來者

遠游二首

初日照林莽積藹生庭闈長跼拜慈母有淚不敢垂連年客道
路兒生未遠離力學旣苦晚可復無常師負笈出門去白日
西馳遠游幸有方母心母念之兒食有盥粥母母念兒飢兒
有敝裘母母念兒衣倚閭勿盼望歲暮兒當歸俯首聽兒言

寧語兒知小妹不解事視母爲笑啼新婦亦善愁含淚無言謂
繁纓未能語匪但離別悲父車旣已駕我行復遲遲豈無寸艸
心珍重三春暉仰看林間鳥繞樹啞啞飛

神山有威鳳萬里求其凰十載未能遇翩然歸故鄉邂逅梧桐
陰錦翼同翱翔羽毛耀文采顧盼生輝光竹實旣云美天運亦
復昌安能老丹穴而不思明堂天風吹紅雲靈匹此分張豈不
念棲息何以酬文章一飛儀虞廷再飛鳴岐陽振羽還神山北
翼遊扶桑拙哉共命鳥委曲蓬蒿旁

石井庵

一犬晝迎客亂山春到門地偏蕭寺古僧老法王尊靈穴何年
盤寒波不敢捫蛟龍在深處烈日恐難溫

謝文節祠

機槍倒指逼孤城破堞倉皇尚募兵患難與人堅氣節興亡何
地著功名麻衣痛哭諸陵改鐵鑲銷沈半壁傾三復遺書悲却
聘至今心事日光明

楊林塢拜四叔母與諸兄夜話四首

茅屋無多姓柴桑自一邨略驚諸母老深喜薄田存清白懷家
世艱難愧友昆環看小兒女或可大吾門

顏色未全改隣人相識稀聽疑鄉語別來賀遠方歸雞黍今宵
盛兒童昔日非傳聞十年事問答語多違

生計諸兄拙貧居八口單深知讀書誤未覺力田難風雨做廬
在錢刀眾業寬起衰心獨苦憐我戴儒冠

旅食悲前日虛名愧此身不堪懷舊事何以慰先人才大寧無
用山深別有春團樂拌一醉明日各風塵

七月十一夜舟次李家渡陪金檜門先生觴月作歌

青天不夜岸如水連檣晚泊空江船平沙一片若手掌鏡面壓
水規形圓舍舟登岸踏虛白八人列坐張瓊筵提壺急進婪尾
酒飽飭莫釣槎頭鰖九州聚影落杯底仰視明月當中天停杯
四顧足快意陡覺山水生清妍平巒培塿大釜覆小峰結曲螺
師旋秋痕一抹尹邢見鏡中眉黛空三千團欒東水截天影匹
練一幅澄江煙微波不動鰣聲住泠泠鐘梵虛空傳使星一星
客星七流光照耀秋河邊閒人良夜兩難得取之不費青銅錢
仁和夫子天下賢酒酣爲我傳真詮挾搗古人得其蘊妍媸立
見皆無前指揮談笑盡如意胸襟洒落精神全塵尾風流自驚
座掀髯咳唾生青蓮我聞清論沁肝腑豪狂不異春風顛抽毫
便欲駕今古擘擋箏笛揮朱絃高吟逸響動星斗涼颼獵獵吹

衣偏不知今夕是何夕。逍遙自覺從飛仙。明日陰晴可無慮。勝游半得于偶然。人語不聞萬籟寂。蕭寥野渡星移躔。夜半下船擁被卧。汨汨難益鳴沙壩。

附檜門先生次韻

白露已降近中元。李家渡口初泊船。臨汝之水流清泚。灘痕退出微渦圓。平沙漠漠百頃闊。乘興藉艸同張筵。長鯨漫說東海膾。短釣試引襄陽鰔。忙中光陰疾於鳥。偷閒或者全吾天。况當明月三五近。微雲點綴分外妍。隔水峰巒隱復現。一片清氣相回旋。俗士百歲惜虛度。土木有壽徒盈千。泠泠鐘出林外寺。切切蛩響叢中煙。思攜謝朓問天句。豈可妙境今無傳。人家臺榭供賞玩。徒倚局促分中邊。滄浪亭子一拳秀。買之猶費四萬錢。何如天涯殊曠絕。揮手直拍洪崖肩。欲將

浩落邁今古詎屑瑣細煩言詮蔣生下筆妙天下萬馬暗避
驕驕前虞機則釋蝨可貫芒刃不頓牛無全定知將來玉堂
裏衣鉢嗣我歸金蓮老夫搜羅士如鯽得爾少雋喜欲顛時
時推篷發高唱往往清瑟鏗朱絃五字長城愧盧綽乃致公
緒攻師偏吁嗟古道不可作六一曾譽東坡仙絕塵逸足世
罕覩嗜好異代知同然涼露沾濕難久坐星斗旋轉都移躔
明朝打鼓發船去又墮人海趨城壩

抵撫州

遙天壓水樹層層淒絕江湖夜雨鐙兩岸秋山歌白紵十年春
宴話紅綾虎頭洲小人曾夢羊角城荒客乍登目斷樂山親舍
遠峴山雲氣莽飛騰

得月樓

重檐高挂玉蟾蜍百尺飛廉倚太虛海氣未迷龍女宅天光常
照化人居簾前列宿相旋轉窗外涼雲自卷舒彩鳳不來臺影
在紫簫吹徹夜何如

次韻檜門先生秋早點名

待漏當年憶北扉磚花幾見過簾闌六年夢繞春明路五夜涼
生使客衣未覺星霜王事蹇絕憐風月玉堂稀題詩算問長安
柳桃李東南近十圍

鄉夢再用前韻

鄉夢難尋白板扉感時常自念庭闈秋風陌上初攜酒游子天
涯已授衣嘯咏低回吾道在山川經過古人稀耽吟亦是平生
癖消瘦何妨減帶圍

附檜門先生作

佳氣蔥蘢玉女扉
豹關鼇禁肅重闌
曾隨卿相分蓮燭
自到江湖念斐衣
清月照人塵夢醒
貴游別後尺書稀
文章可是能華國
孤負青山翠一圍

小院深深靜啟扉
良朋况復聚扁闌
豈同下客思彈鋏
不是殊鄉易寄衣
士念致身親未老
名能流後古猶稀
榎楠自具千霄質
莫等空山長櫟圍

撫州曉發

隔水鳴雞報曉寒
五更塵夢未全安
煙中柔艣初辭岸
渡口明星欲下灘
客思幾回縈望外
鐘聲一點在林端
半帆風月千條柳
故國秋程取次看

抵建昌三首

盱水盡百盤
心目忽開朗
到岸行轉緩
灘痕滯烏榜
繹夫樂挽

拽舟人急篙槳我忘注視勞城郭已入想信宿淹期程百里苦
羈鞅短篷三人俱局促不盈丈鳴沙齧船底木葉下秋響風物
未轉移意境頓軒爽快哉豈吾土欲語舌本強洲出大橋起日
落眾山仰乃知山水靈足以令神往明當買芒屨直造飛青上
輟棹登籃輿一徑出橋右石磴轉犖确幽邨遠林透高樓白煙
隱老屋黃茅覆青翠壓窗戶柴扉少人扣田疇足耕桑秋光滿
禾豆不關近城市自然鮮樸陋始知太古風廬井自結構瓜棚
交野花石澗瀉寒溜行行勞顧盼轉厭僕夫驟百雉當面來褰
回夕陽後

官廨苦偏仄高下乏平行日暮駐行旌暝色帶深院旁舍得衙
齋虛窗闌三面峩峩青芙蓉積翠當戶見擁書看朝霞嵐光自
舒卷飛樓壓女牆壞堞周遭轉煙火萬家出雲山六時鐘聲雅

登眺佳坐卧亦自便吾師作達人公餘事清談尚論漢魏賢我
聽輒忘倦攬結對長歌振聲走雷電丈夫志四方家室安足戀
芙蓉館

移居只合住銀塘楚客多情賦采芳香渡幾時浮桂檝人家終
日在秋光波明夕照寒潭淨簾卷西風笑語涼窗戶饌黏林影
薄盡闌干底有鶯鶯

擬秋懷詩七首

斜陽入窗隙屋脊卧山影老樹無惡陰蕭蕭抱餘景天空一鳥
下城郭向人靜庭荒暝色重孤坐風力猛落葉不到地秋氣結
古井感感欲成言心手鬱相挺

暮雲不上天新月樹閒倚蟲響納夜光百憂州根起觸緒豈自
知微物奪悲喜幡然酌我酒斂氣讀全史苦挾一寸心古人可

以死歷境何必同所貴得其是百世肝膽見吾生一男子
文字何以壽身後無虛名元氣結紙上留此真性情讀書確有
得落筆當孤行數語立堅壁寸鐵排天兵苟非不朽物誰復輸
精誠入隱出以顯卓犖爲光明庶幾待來者神采千年生
鏗影動虛壁夜氣凝秋蘭矯首望天末曠野蒼煙圓百里隔山
水一念平生歡磊落作壯遊不知行路難日月戀游子照此儒
生冠士不志溫飽時或憂飢寒陳平故美哲貧賤寧足歎親老
未能養惻惻傷心肝

星斗出戶牖空際縣秋聲天地變節候萬物不敢萌悲風起窮
壑未落山鬼驚志士仰屋坐獨有千年情方寸納百怪欲與造
化爭思冗力易竭善用其聰明百歲事業多智慧勞吾生
十年薄時趨一日得師表攻錯良已多所聞悔不早秉燭八窗

室孰能遜醜好俗學因塵土清風一除掃我心有鴈釣吐語本
天造菁英失其實外榮內則槁強弩能蹶張百家應弦倒金石
皆陳言組織何足道

彈琴不成聲酒滴釵花煖含笑歌長生白日坐中短骨肉只形
合以氣爲歌散拔宅居青冥毋乃近荒誕引觴酌南山雲截數
峰斷巖岩答時序卻坐吹玉琯和聲破蕭瑟不使秋光滿我無
窮達心造物豈能限

游從姑山

飛青突兀落眼前芙蓉兩朵浮秋煙巉巖變態異遠近奇石怪
聳含清妍龍領開張犬牙錯猛虎蹲踞翔鸞窠孤根獨上偃華
蓋空罅側卽垂金蓮北厂玲瓏壓古寺嚙頭欲墜僧猶眠屋後
蒼苔一千尺峭壁陡立雙摩肩中間開豁路一縷青天匹練飛

梁縣關門不借鬼物劈片石豈待神靈鞭絕頂輪囷不可上危
蹬百級高盤旋舉足皆愁屐齒滑布縠我已窮其巔雙橋百丈
鎖城郭大河宛轉如蜿蜒腳底羣山自羅拜眼中直欲無人閒
碁子無聲石枰靜蕭蕭竹影流清泉一拳磊砢足萬古從姑名
字誰流傳好山何必若女子縹緲自是空中仙麻姑莫須更窈
窕後游不恨天緣慳摩崖欲作劈窠字墨光直蠹青冥邊落日
無人四山淨天風不動雙鬢偏一笑題詩共飛去山靈與我俱
千年

萬年橋觴月

飛梁跨水一千步空際行人自來去亂山中斷走虹霓下有蛟
龍不敢怒青天一片月飛來琉璃萬頃空明開風露泠泠波浩
浩此時天地無氛埃中流二十三明鏡秋河上下橫天影紅風

吹客一登橋。腳踏寒光不知冷。流輝注水射千尺。波面游鱗時
一擲。放眼寧知世上人。飛觴不記今何夕。相看冰雪瑩聰明。但
恨有客無笛聲。漁燈不動野鷗睡。寺鐘欲出樓烏驚。勝游佳會
良可數。胸次先生獨千古。名宦誰能樂山水。詩人我或慚龍虎
深杯入手須盡歡。夜涼歌笑浮波瀾。耳目俱從靜時淨。風月莫
惜忙中看。俯瞰前灘落星斗。跳擲雙丸亦芻狗。吾人一夕橋萬
年。達者風流原不朽。

晚泊書懷

夜氣昏林薄。鐙光動水濱。四山飛木葉。孤艇卧星辰。歲月頻搔
首。湖天正側身。功名望游子。長念白頭人。

曉過峽江縣

濕翠四圍滴。空明百轉清。山縣江出峽。縣仄嶺穿城。曉色千家

靜樵風一棹輕高樓未能上回首樹煙平

廬陵九日

江流分吉字山勢帶虔州節物頻留客關山乍倚樓薄雲千里
雁疎雨半城秋逆旅知誰好風帆滿鷺洲

泰和道中夜泊

捩舵開頭換客程郵籤終日報霜鉦酒旗夜卷邨鐙亂漁槳新
縣冷月鳴淺水無波人獨釣孤篷如夢自長征黃雞白酒皆鄉
味書劒何緣動旅情

十八灘

前灘鵝突奔長洪後灘詰屈趨黃公狂波數里勢一折積鐵四
立山重重亂石輪囷截江面急水生骨昏青銅星宿漂沈餽餉
簇八陣羅列魚鳥從老鴉散影鼇露背萬馬縱飲中流中鯢雷

轟轟動地軸卻駕大舩馳長風連檣疾上破逆浪峭壁橫塞驚
途窮峰迴峽轉路不絕四圍竹樹青蒙蒙椎牛打鼓告神助紙
錢窻窻燒當空片席高縣易牽挽灘師醉叫張兩瞳我聞贛石
二百四十里過客往往愁行蹤畏途平日恐偶到肯擲性命如
秋蓬今我持篙擊灘水鼃鼃窟宅知難容淺者一尺深數丈有
潭豈足藏蛟龍樓船可下鞭可斷恃險浪說虔州雄三朝三暮
厭曲折幾令估舶愁撞春紆回大不快人意槎枒徒爾多磨礪
吁嗟入山無虎水無怪一塊何得矜頑兇清流病涉罪當伐位
置多事勞神工剷除欲遣五丁役大斧劈裂馮夷宮坐使鴻鈞
鍛爲爐算教疊架成飛虹天水相涵朗如鑑雪浪噴薄雙江溶
大笑往來失阻礙一瀉千里開心胸

落葉二首

零亂霜楓覆薛痕小簾風緊欲黃昏
墜深處有鹿朝穿徑酒醒無人夜打門
夢入故宮尋古井愁生野屋見孤邨
一枝別後應難借好向牆陰覓斷魂

古道無人拾墮樵啼鳥來往獨魂銷
一林冷月露山寺十里清霜生板橋
舊事幾添搖落感離情不記短長條
高樓試奏哀蟬曲滿耳秋風咽玉簫

解纜

水氣得清曉冒霜人出關沙晴團宿雁
木落見寒山客悶何從稅行裘且未還
收帆怯歸路危石滿前灣

曉泛

寒旭轉沙尾朝煙生石稜江平游老棹
風健出飢鷹較獵屯軍慣褰裳過客能
壯心愁跋涉射虎意飛騰

歲暮到家

愛子心無盡歸來喜及辰
寒衣針綫密家信墨痕新
見面憐清瘦呼兒問苦辛
低回愧人子不敢歎風塵

出門

丁卯

芳艸同春遠浮雲到眼飛
誰能戀兒女何以報庭闈
暫住真如客還家不當歸
風霜都未計愁絕在牽衣

再過楊林塢三首

古道不迷客春山如故人
柴荆知未遠雞犬暗相親
問訊真難盡盤餐且雜陳
青衫堪一笑仍是隔年身

浮雲飛不定游子去來情
兄嫂貧無恙兒童學未成
榮華寧厚望孝友足平生
飄泊慚癡叔關山劍獨橫

小楊開花塢茅檐可暫留
田園愛桑梓廬墓感松楸
萊子多流

寓桐孫獨遠遊鶴歸何處所烏鳥正啾啾

廣信登舟有作二首

童山夾岬立亂石一綫下碓輪翻急浪飛雪出遠壩春糧足杭
稻老屋面桑柘故鄉不得居於我愧田舍日暮漁歌來掠水見
山鷗

上灘如攀梯下灘如脫絃半日可百里飛渡章門邊有伯八十
餘抱甍棲茅椽骨肉不聚首各以飢寒遷菜花繞屋香遠夢生
江天風正一帆穩日午三人眠明日廬山游舉手搏雲煙

題檜門先生小清涼山房圖二首

世閒不少清涼地願得先生作主人隱几無慚香案吏謫仙原
是宰官身半天鸞鶴山中夢六載京華別後春一葦江湖風月
在莫嫌光景似奔輪

屋後山堆萬斛青芙蓉朵朵壓空庭竹枝一唱呼才子林壑多
年望使星尺五天垂分館榭山房在園
明園側近十圍柳大繫蜻蛉風流漫
說菟裘老飛蓋西園擬更停

三峽澗

參天萬木排前灣蚺鰐怒攫山風寒是松非松走相覓脚底霹
靂生奇觀亂石夾水水勢破觸罅迸出雲千圍積鐵輪囷塞陰
壑醜怪萬變窮剜立者堅壁疊者壘以凹作穴凸作關本是
神鬼所施設反如人力成雕鏤鉤連盤踞不可狀各出猛力迴
奔瀾盤旋隨勢作緩急澎湃然斗落空潭聞其餘縣溜樹根下樹
緣溜浸渾難乾飛梁坐久駭略定毛髮凜冽胸懷寬雷聲入聽
視轉失決眦飛鳥無停翰耳聾目眩細搜剔玉淵大字蒼苔斑
罨塘濫瀕苦未識對此不覺雙眉攢我聞廬山之水盡奇絕半

倚削壁成驚湍何當走地獨狡獪不與挂練爭騰翻忽思後夜
踏明月石髓滿吸松花餐解衣坐石弄長笛夢魂浸入玻璃盤
前山有約客欲去風雨一霎飛林端

棲賢寺

日影碎地蒼苔乾客耳忽靜人心閒長林側轉帶山寺竹樹翳
翳交琅玕掉頭蒼紫背人起芙蓉五老飛檐端天風搖曳勢欲
動煙雲縹緲胸懷閒僧房客到話幽獨迴廊風細聞旃檀坐覺
山中太古意白日寂歷空庭寒昔賢棲息半偶爾乃爲佛刹傳
名山捨圖留帶垂久遠後來好事驚愚頑

方伯金世揚捨羅漢卷
中丞宋華留玉帶鎮寺

卽今

山田數百里膏腴恒產歸禪關有食可飽田可居英雄貧賤羞
蒲團我來何必問鐵面文詞自信泥犁寬寺藏舍利十一粒落
日相引登樓看老僧再拜啟餅視黯黯如豆傾金盤浮屠荒誕

不足道凭欄一望堆雅髻飄然便欲獨飛去日攜笙鶴開歡顏
開先瀑布

瀑布之水源何來劃然下裂長峰開下士目駭自天落絕頂乃
有千盤迴青山斷缺聳雙劔元氣直瀉巖頭摧飛流已出不肯
下一綫中拆分滌洞隱現數折蓄精銳失勢一落如奔雷跳波
亂擊潭水立怪物潛伏寧馨頤音聲頃刻逐千變萬馬赴敵金
鼓催天光半壁照空谷此地萬古無陰霾豁豁積雪挂千仞山
中猿鶴猶驚猜銀花下散布水臺混沌鑿破山根隈四壁皆刻大
字有如蜂房劈
窠大字洗不盡鐵畫滿地鐫青苔太白已往老坡死我輩且乏
徐凝才惡詩走筆不敢寫山亭煮汲燒松釵明朝竹杖青芒屨
凌風踏碎煙雲堆飛泉三疊絕倚傍坐觀一洗塵氛懷

八月十五夜題號舍壁

殘杯冷炙不能餐
四壁蒼苔擁暮寒
合到瓊樓高處去
此中秋月讓人看

巨手能開五鳳樓
九霄鵬鶚共盤秋
不知擊節歐陽老
可放門生出一頭

九月十三日學使檜門先生邀同錢坤一先生百花洲
雨中小飲卽席限韻二首

玲瓏秋樹逗湖光
水閣雲陰作嫩涼
別館停驂招舊雨
殘荷擎蓋著新霜
座容迎葉參微笑
賓戲壺公解善藏
欲爲朱衣摹變相
墨痕濃沁桂花香

時錢特服

棊鐙書笈范湖灣
彌勒同龕憶舊山
牛斗星移光忽聚
驪龍珠失數將還
一杯醺醖平生感
三樣情懷半日閒
却與花洲添故事
簪裾留入畫屏閒

座主錢香樹先生登明遠樓見士有被放者慨然作詩
用山谷題畫韓幹三馬韻依韻奉和

和鐘離磬交叔垂公抱古瑟彈朱絲共傾金鐵入陶冶自別利
鈍分椎錐持衡已盡司命職報捷許放衙泥馳撤簾登閣作俯
視眾鶴乍脫樊籠羈仙官天上忽感觸一士澤畔傷數奇癸庚
難濟萬夫餒甲辰且守流年雌少時困抑老豈忘嗟嘆不足長
言之遺珠敢怨象罔目得腋恐負千羊皮紛紛泣賦士不遇安
得上動天人知先生此念欲普渡願力且過蓮臺師

檜門先生招錢馮兩座主靜香齋小飲屬紀其事

先生藏我若寔藪兩公來射發其缶寒山拾得笑相視不待豐
干先啟口冰壺布席列主客秋月在天穿戶牖司寇談諧每傾
座庶子持觴爲公壽六年種樹供裁削縣圃辛勤積瓊玖酬庸

自請飲三爵絕妙語言公曰否先生視學等懷寶大璞常須玉
人剖無花老眼合報謝酌我還當斟大斗解紛排難得侍御笑
云無譽亦無咎施勞伐善請兩釋玉帛兵戎分左右三升百壺
置境上大力負之竟滿首名將連營孰借箸灌夫侍坐吾行酒
三公鼎足盡三雅犄角相望無勝負春秋盟會美胥命監史在
旁書某某酒龍詩虎讓前賢小子識之垂永久

忠雅堂文集卷一

忠雅堂文集卷二

詩二

鉛山 蔣士銓 心餘

蘭溪夜泊次汪溶川

汝淮

同年韻

沙棠兩槩暮煙開嵐翠通城拂面來
臨水屋多人語雜泊船風緊燭燼
灰乍嘗棗脯知方物共釋蟲魚
還辯才寒月分明眠未得四圍山
影落空杯

七里瀧

七里巖灘繞富春壓篷青重亂山橫
桐江水似離心曲一片風帆萬舫聲

杭州

長笛淒清不可聞慶春橋北欲黃昏
越娘休笑青衫舊初向杭州著酒痕

寒山寺泊舟懷金礪南及進與同年

凍雲侵樹月橫餠角里街遙入夢孤殘夜登臨雙不借故人兄
弟小長蘆鐘沈塔火眠山犬木脫僧樓墜老鳥咫尺相思尋未
得數聲風笛起菰蒲

夜過吳江

平望鎮前寒月明三更四處棹歌聲吳兒解弄江南水夜半垂
虹橋下行

茂苑

茂苑凋零麋鹿場梧宮秋老舞臺荒穠花野水要離墓一種青
山怨夕陽

五人墓

斷首猶能作鬼雄精靈白日走悲風要離碧血專諸骨義士相

望恨略同

潤州小泊

孤城浪打朔風驕鐵轡陰陰鎖麗譙微雨夜沽京口酒大江橫
截廣陵潮船膠涸水帆俱落人擊層冰凍未消小泊不妨侵曉
去海門寒日射金焦

過金山二首

飛青刺眼雪團團臺殿眞如夢裏看十幅布帆收未及塢鈴風
緊一江寒

當年戰苦陣雲低江水東流歇鼓聲日午魚龍呼不起郭公墳
上郭公啼

陪檜門先生海淀踏青

戊辰

軟紅塵土踏青心韋杜城南許共尋小陌花濃都似霧綠楊風

淺不成陰香車寶馬郊原暖碧瓦朱垣殿閣深春色萬家天尺
五韶光眞覺寸如金

譚誨亭

尚忠

同年歸南豐

壯夫慚短劒久客厭長安年少貧何累金多住亦難亂愁先月
滿猛雨及秋寒蕭索離亭意何因得强寬

題王梓園畫冊二首

蘭湯新浴沃芳魂蠲忿勞他置酒尊鉏卻將離栽夜合有情花
亦愛黃昏

合昏

低叢大葉翠離離白玉搔頭放幾枝分付涼風勤約束不宜開
到十分時

王簪

薄海

薄海皆王土西夷自弄兵

天威容小醜朝議決專征轉粟千犂便臨邊萬馬輕三年煩羽
檄應築受降城

一年

一年春夢乍醒時風笛離亭犯曉吹細雨騎驢人獨去秋原送
客雁相隨吳綿薄試征衣重天氣微寒病骨知歸路雲山高澹
極冷吟閒醉與支持

南池杜少陵祠堂

先生不僅是詩人薄宦沈淪稷契身獨向亂離憂社稷老將歌
哭厭風塵諸侯賓客時相忌信史文章自有真一飯何曾忘君
父荒祠鳥雀沉荆榛

磨盤墩渡黃河用東坡大風留金山詩韻

白頭浪裏聞人語水師絕叫公無渡洪澤黃流奮相激斗落雙

龍戰雷雨長繩曳船那得上艸壩東波畫旗舞我生正直恃有
命涉險不懼天吳怒淮泗所趨水一合濤頭順逆爭寸許卧唱
黃河遠上辭隔岸紅樓打神鼓

懷楊子載

長安春落第似爾去年秋忽坐孤舟月思從二阮游有兒娛老
母多病益窮愁何以稱人子飢寒對白頭

燕子磯書宏濟寺壁

山水爭留文字緣腳根猶帶九州煙現身算問三生事我到人
間廿四年

秦淮書酒家壁

不見紅闌長板橋秋光狼籍欲魂銷斜陽在水愁孤燕殘柳當
門怨六朝舊院瓦堆僧賣酒丁家樓毀鬼吹簫美人黃土鐙船

散金粉原來易寂寥

夜泊

維舟不擇地蘆葦自相隣
冷月澹成水暮江秋在人
鼓琴沙落雁對酒我爲賓
不敢酣然醉中庭念老親

金陵雜咏三首

石城艇子去難還
衰柳金城未忍扳
消受孫郎樓上坐
三山吹落酒杯閒

不取金陵誓不回
袈裟潛遁有餘哀
成王何在周公死
羞煞兒孫又北來

豈有君臣說中興
滿城花月唱春鐙
風流略似清談後
秋艸茫茫十一陵

琵琶亭別唐蝸寄使君

小立疎林落葉屯白頭扶杖倚雙孫僧無俗韻邀同坐秋在漁
舟喚到門老樹四圍虛閣隱晴嵐一綫大江吞青衫我亦多情
者不向東流落淚痕

暮江

船側帆三折風斜雁一繩艣搖將夜雨人語隔江鐙歎逝心原
嬾懷鄉感易增金焦兩螺在明發許重登

到家六首

隔歲歷萬里決意竟還家急遽呼阿孃低頭拜阿耶耶孃喜兒
至顧復相嗟呀見兒百慮盡兒樂亦無涯小犬繞身吠跳擲掀
齒牙童穉竊歡躍欲出藏又遮都忘失意返爲我拂風沙明知
僕婢愚未必欣榮華對之欲自愧默默看庭花

犬吠聲稍息客至犬復喧驅犬聽客語拱揖陳寒暄轉畏客久

坐旅況先與言問對多倦容此意客頗原送客見隣叟約略道
田園洗面復濯足侍立當庭軒語雜親不怪答我聊更番

霍霍聞磨刀殺雞斷乾肉家人飯游子高堂爛燈燭呼兒坐親
側歡意動眉目語兒太審詳問兒身可彊兒壯可如父兒瘦何
似孃瓏屑告家事乃命陳他鄉傾聽不知倦謂兒休皇皇長跼
進親酒願親壽無疆知兒久斷飲今當一盡觴區區得失意恐
兒心未忘

恐兒心未忘看兒塗中詩微笑在顏色終卷無一詞兒言父何
取兒心父則知榮名賤苟得骨肉樂在茲親戚重聞達慰藉來
嗟咨但云弗戚戚富貴當有時

父飲亦旣醉就寢先自息戒兒勿坐久晨起詣父執阿孃常少
睡問訊繼相及謂孃無別慮寒暑恐兒疾書來兒未歸夢兒兒

詎識望兒不欲夢夢復與兒值壯游豈不好我生僅汝一思汝
每自恨翻怪汝行急汝歸我已歡汝聽勿轉泣僕婢立漸近童
穉不復匿欲語未便吐含笑候顏色嘈雜良可愛真氣出胸臆
燭盡母亦倦有夢算兒覓

燦燦深房鏗照此蘭帷垂卻坐語夜半婦乃前致辭謂舅頗健
飯謂姑日就衰非無思子意但恐新婦知婦知豈不早嘗苦告
君遲成名妾所願事親無後時我聞但俯首喜懼交迫之翻問
客塗樂欲答笑婦癡顏色旣云瘁苦樂何見疑杜羔或可羞我
詎王章悲

晤禹立兄感成

已巳

喜極翻嫌晤憂來出語遲依人吾不免泣路汝何之骨肉非秦
越飢寒有別離茫茫芳草路何處說相思

天全宣慰使歌爲楊公

胡清賦

楊氏始祖赤泉喜元封殺賊西南夷功成不返作留守靈關坐
鎮威沈黎控制魚通三十六乃從荒服開藩籬子孫世世食其
土爵襲招討分桐圭礪門專閫已千載鏖鏹後戶司九泥英雄
報國以鞍馬馬革代裹將軍屍我朝垂衣主王會坐令萬國
朝軒羲四夷翼戴八荒貢而楊亦以天全歸新恩特晉大夫
秩守爾帶礪無遷移獻忠雖殄狐兔逸餘黨狐嘯猶張鴟天全
一旅不敵眾仰天長嘆徒肝睢孤臣快劍斫不死弱妻老母同
羈縻已亥六月十七夜佛鐙閃閃光琉璃太夫人坐夫人立小
婢竊卧青鬟垂天明驚起述惡夢老木昨夜檣堦墀飛龍蟠木
木起立須臾龍去木亦墮是日啼聲誕英物嶄然頭角多岐嶷
生來猿臂負神勇立志汗血安邊陲賊徒解駁坎險出虎符落

手生英姿誰教沃日與瓦寺虎視欲併韓胡師公聞其事豁心
膽忠義之氣何淋漓飛書疾州筆鋒勁詞嚴義正風雷馳滅者
當興絕者繼手奪大印還孤兒往復西瀘互攘奪黃帽紅帽同
驅羆庚辰八寇渡瀘水旄頭耿耿奔牛犇竊據山河八城郭巖
州樓櫓如枯摧太白狂流星食昴王師赫怒揚天威公請滅
此後朝食前驅獨奉天王旗太乙刀磨土花削立跨天駟追鯨
鯢陰風慘淡竄新鬼積雪亂卷桃花飛銜枚夜半斬關入達岡
一綫懸鉤梯猿猱倒挂鳥飛絕死士直上無難辭木石怒發氣
益振死者倒落生已躋舉旗奪寨一鼓捷軍心固結神扶持臥
龍山頭一片石至今墮淚存豐碑丁酉蠻天重飛輓公功最著
傳鳥思數令山川失險峻始覺造化無權奇丈夫立業旣不朽
功名爵位輕蒙鰲黃楊老去際厄閭池魚罹禍徒嗟咨世祿雖

替國恩厚敢以遠謫傷此離白帝江陵一日下山盤峽東哀

猿啼漢水連天弔黃鶴危樓百尺橫江磯衝風冒雪一登眺公

前曳杖二子隨謂嗣君藏用鋒仲興衰滿眼忍回首關河莽蕩人民非繫

艇章門疾已革一家八口同卑棲牛斗無光將星隕兒存兒歿

諸孫飢藏用送繼公歿白楊蕭蕭松鬱鬱猩猩嘯而奔狐狸我來公墓木

已拱溪毛踞薦涕漣而公之仲子須眉古鐸仲雄才大略無端倪

用違其材志不展虎爪牛角空檣支白眼長歌發長嘯掀飛海

立天爲低傳家法物一何有惟剩蠻布成弓衣伯也騎箕我未

見藏子有子載皎如玉樹暉文詞敏捷走風雨天馬乍脫黃金羈

岷江倒瀉入方寸大氣百丈盤峨峭公侯子孫必復始祖功宗

德難爲衰勒銘喜得大手筆金石刻畫擎虬螭高文留傳徧中

國精魂颯爽歸來而

過貴溪

頽梁虛鑠亂雲中
縹緲飛青落斷虹
山色遠銷龍虎氣
春帆橫走馬牛風
一圍壞堞憑崖石
四面危磯鑿鬼工
厭說頭巾灘下路
隔溪長笛雨濛濛

舟次懷金礪南

之子舊年別春江
終日閒芙蓉流不去
仰面得青天君在翠微裏
抱琴時往還何能黃海上
一望白雲閒

河口天池菴二首

隔江僧寺影如橋
喚渡聲浮綠半篙
閒客自來漁艇入
童山中斷佛樓高
半規石骨神曾鑒
一剎寒泉月可撈
羸得魚龍潭底拜
五更殘月叫蒲牢

一雨芒屨萬里行
少年蓬轉亦堪驚
名山別後都成夢
此地初

來大有情水檻燈明留客坐春田鳥過喚僧耕他時名宦誰拋
得試問圓蒲作麼生

游章巖二首

巖頭虎踞壓虛楹落葉招人細路生破廟田荒僧乞米摩崖碑
古客書名蒼苔一尺行蝸篆石徑千盤度虎聲尚有前賢詩滿
壁漏痕釵腳兩分明

黃昏燐火出荒邱野鳥窺鐙坐佛頭石勢欲吞臺殿入雲根都
到寺門收入煙隔水羣峰靜林壑堆寒一味秋欲臥空巖看月
影暮山風峭不堪留

楊太真雙魚鏡七首

流影何時照比肩玉魚雙印唾花圓如何鈿擘釵分後不見新
妝亦可憐

黃蘗一半土花斑
消受羅衣繫玉環
不信梨花墳上月也隨金
錢到人間

山鬼爐寒指廢祠
香囊錦鞵問誰知
惟應白髮宮人見曾照華
清浴起時

千秋金鑑錄何輕
鼙鼓漁陽動地驚
爭似阿房星數點嬋娟小
膽太分明

霓裳曲散醉難勝
金錯斜欹動水菱
較可昭儀春殿裏照人祕
戲一重冰

翠柳收藏只念奴
而今紙閣伴羅敷
不知水殿承恩夜許照娥
眉淡掃無

一別彤匳值幾緡
長安風雪賣酸辛
三郎畢竟郎當甚不及街
頭磨鏡人

答分宜嚴叙揆

思濟

秀才

神仙富貴兩難致終日低頭誦經史作此常令鄧禹笑嗟我與
君皆乙巳前年振舵游分宜日讀君文君不知大橋橫江月如
練我聲在水人潛窺想君望我官船時京華作客不相見南浦
秋深識君面生年同歲亦偶然但覺新交爾尤善讀我新詩意
頗得以前著紙覓行墨電光藏巖不肯出對面索君被紙隔袖
中斗藪冰雪吟亂山入海寒濤鳴乾坤萬里在胸次筆底躍出
人皆驚成名苦遲復苦早坐對鈴山讀書好丈夫生當飛食肉
小技文章何足道

寄向蘇邨先生二首

考拙陽城不下簾俸錢蕭索畫叉尖關心赤子多勞瘁見說慈
君本孝廉田野桑濃飛白雉印牀花暖護紅籤應知大酉藏書

富退食從容睨小檐

傳聞耕鑿古風存處處追呼不入邨欲聽絃歌到巖邑卻隨桃李在公門漫天風雪將行李知己文章合感恩行艸年來多少恨散袞羸馬共誰論

鄱陽竹枝十一首

小巷烏衣舊姓王翰林門第比金張今人苦說前朝盛十八坊前賸幾坊

靈芝門是舊宮門秋艸寒煙泣鬼魂王府山頭菜花滿人家寥落似孤邨

山頭芝艸不重生止水亭荒面面春寒食紛紛踏青去了無麥飯祭孤臣

大龍橋下水迢迢小龍橋畔柳蕭蕭不及門前月波好兒家移

住會龍橋

接官亭下繫浮梢方物傳來一水遙滿載冰瓷誇大賈青花樣
子是官窯

板橋風雨畫橋煙繫虎橋頭墓碣縣不解陶公一抔土殘碑三
郡艸芊芊

湖堤明月罷彈箏春水桃花不進城歲歲祓除思太守年王廟
裏紙錢輕

水閣窗明背講堂裏湖花暖睡鴛鴦范公堤賸黃茅屋更有誰
家游冶郎

浮洲寺下麗人行薦福寺前春水生幾隊紅妝一聲槳小舟搖
到伴鷗亭

帆檣一字佑舟排正午開頭尚未開日暮新橋簫鼓沸張王廟

裏賽神來

儂影孤如雙港塔郎身遠似喻坊船三十六灣團轉路灣灣相望不團圓

送蘇邨先生歸養淑浦二首

壇石山椒問字曾菜花香醖暑如冰每思北面春風坐同翦西窗夜雨鐙說到老親先墮淚得歸茅屋穩扶藤師門此別天涯杳沅芷湘蘭感不勝

風帆飽挂下黃陵楚岫推篷萬點青人到長沙秋欲語月明湘水雁難聽輕裘萬卷還烏速舊鳥雙鳬繞洞庭算更著書傳雜俎窮愁憐我抱遺經

輓楊鐸仲四首

如雪桃花打墓門一坏黃土是

君恩必傳詩本交猶子可繼書香聽小孫伏櫪馬原騏驎骨還
鄉鶴亦杜鵑魂英雄凍餒爭如死不敢爲君墮淚痕

從軍奪稍老親知小范當年是虎兒聚米熟諳蠻地險談兵遙
念漏天師暮年烈士心原壯失意騷人志本奇勲業功名俱寂
寞弓衣留得可憐詩

晚歲窮塗作蠹魚青山營藏亦鰥居父兄死聚他鄉樂妻女魂
離合葬虛新絮落花三尺土空齋塵網一牀書銘旌負卻生前
志題作詩人恨有餘

腹痛腸眞似轉輪荒園十笏賸斜曛頻驚老友都爲鬼重遇良
辰不見君倚壁杖猶支破牖藏詩瓢已挂孤墳河梁一別成千
古石馬風寒未忍聞

燭花二首

豈共朝華落繡茵銅槃芳苒晚來新孤根自結何須地長夜能
開不待春一寸纏綿心轉熱五更風雨恨應輦更闌莫漫敲碁
子留照狂花淺醉人

飄來終是不成茵頃刻疑隨幻術新黃葉寺中千里夜晚風樓
上一分春紗籠爲爾移身護羅帳喚他背面顰狼籍妝臺簪得
否曉妝孤負未眠人

題天全楊藏用遺集

庚午

嗚呼楊公將門子外藩千載官世世列土何堪及身止昔者雍
正戊申公年五十二手扶老父辭鄉里全家來飲西江水市人
不識宜慰使謂公西蜀蠻夷耳我聞天全古荒服外控魚通三
十六子子孫孫飛食肉朝廷倚彼爲爪牙楊氏高氏分符竹高
司始陽楊礪門婚媼世世相仇恩怪哉楊氏生公如虎賁高司

性螫鯨鯢吞心欲楊氏無兒孫當年木坪蠻司死邊堡公翁定
襲成都道公守礪門年正少何來沃日瓦寺軍高司虎視將爲
暴邏卒告公公劇飲燔羊饗吏銀鐙繞三日敵來公已去竈下
惟留白頭媪鼓聲一發伏兵埽蠻兒血肉飛秋艸可憐羞煞高
招討男兒如是亦快意頭白南遷傷閑置低頭但詠卷中詩絕
口不談邊外事聞公善射立馬背左右開弓不挽蠻兵書老去
厭三復袖箭生平只一試自言昔與木坪兒半夜微酣尚能記
空堂燭滅電一掣箭出中光光已逝舉燭索箭不可得箭著東
隔血點地少卻幾爲高氏刺嗟乎公生丁巳卒丁巳我歸猶及
交公弟公側室子屋垂涕道公往昔督挽西藏糧蠻山醜樹森
刀鎗毒霧著人人立僵裂膚墮指六月當得公調護人命長令
嚴恩重飢寒相無人不愛礪門楊篋中遺詩尚萬紙公之功名

文字裏六十年來奇男子南昌占籍公其始

舟出鄱湖

亂舶爭前淑風來落日邊水喧帆力健天闊岸沙圓晚飯魚羹
溢秋衣暝色牽離家無百里寒月已淒然

寒夕

人語聚寒夕風威到岸停客衣連水色船火亂疎星一徑落黃
葉兩峰開翠屏年飢商估樂愁向月中聽

咏懷

風向秋林出吹人鬢欲霜初寒孤客覺流水白鷗忘明月在深
院扁舟成異鄉扶牀憶嬌女含笑拜高堂

泊江邨

秋風捲茅屋積雨廢新畬插竹防魚密奔濤激岸虛一罾終歲

計斗穀百錢餘愁絕柴門下泥埋碌碡車

新寒

夕陽穿樹薄江氣入篷深扇裂藏深篋香溫展舊衾
授秋夢病妻尋此夕愁多少淒涼萬戶砧

晚稻

晚稻連疇黑新霜萬木凋全家哀死犢老婦戀枯苗
浪靜聞魚擲雞鳴覺市遙此情念桑梓未許客愁消

夜起

片月幾時落孤篷許獨開酒杯秋後減蟲語夜深來
乞火鄰舟怨占星客伴猜前汀有孤雁怪底寂然回

感懷

佳日愁中過浮生託敗查驛樓交雜樹人影住餘霞小
泊雞豚

見終年婦子嗟何能荷鋤去努力事田家

輓汀州黎質存二首

淚洒千秋事名輕萬戶侯迹存天下險心接古人憂詩筆奇才重篇章大匠收寒山一坏土愁絕問汀州

鏗艇江邊宅才名座上賓談兵參史事破產醉詩人兒子尤多藝丹青信有神黃壚三載淚衣上迹難湮

乞人行四首

乞人無古風丐食澹呼蹴羹飯得豆區肥腥索魚肉所求一不應
詈怒雜啼哭嗟哉施與門危機隱然伏餓虎決兩眦旦夕操
禍福人心苟如此爲善亦難獨置彼膏粱中何物饜其欲乃知
皇天慈凶年爲翦戮

天意厭蚩蚩善惡當有別奈何良家子飢驅泣幽咽不幸有廉

耻予類跛鼃蔽體無完裘嬌兒白勝雪清淚漬襟襖姓名焉
可說聊復哀閨人得食面猶熱

行乞恐粥冷天明來寺門檐風吹單衣見說粥尚溫面色成死
灰各挾缶甌盆舉籌貫魚入千夫爭一閭後來氣力薄偃臥聊
復存枕藉賴皮骨蟣蝨行枯筋得粥幾人出號哭嫌兒孫爾飢
食欲急官令我則遵卷局歷辰酉呼天誰則聞一死已爲幸免
作溝中魂

青囊雜綺袂顏色秦羅敷飢色半忸怩掩淚行路衢誰家輕薄
兒側目相押揄日落氣昏黑爪痕徧肌膚得粥涕泣歸何以謝
其夫風俗竟如是偷生毋乃愚

泰西畫

雪壁忽露檐層層畫樓朱閣氣象矜屋角連櫺瓦起稜素楹古

礎方花繡文闌壓砌碧沼承田田荷葉涼波勝婀娜翠葢紅妝
憑房櫳曲折戶牖增鉤簾貼地風不興隔窗喚人人不應有階
雁窗我欲登踏壁一笑看文綾乃知泰西畫法麤能精量以鈿
尺累黍爭紛紅駭綠意匠能以筆著紙紙不平日影過處微陰
生遠窗近幔交從橫紅藥欲香樹有聲小李樓閣算與衡若對
明鏡看飛甍一望淺深分暗明就中掩映皆天成我聞海南古
里名僧伽柯枝諸番迎浮屠梵唱能以誠其間所產寶藏盈大
布蕃馬香椒并瘠田種麥婦子耕風俗淳厚無陵傾石灰畫地
刑罰輕宮室峻麗如蓬瀛蠻夷以此相誇驚那知中國寶萬民
設險以德爲長城結茅擊壤豐梁杭太平有道歌錚宏對此令
我心忤忤置身華屋不覺榮入畫豈若旁觀清

趙千里畫三首

樓臺寸寸出朱殷青粉牆低露遠山算道瓊宮無主者卷簾人在綠窗閒

移來仙館鏡當中夾水疎櫺一抹紅惟有荷香遮不斷夜來消得過橋風

華懷藻井絕塵埃北斗闌干面面開大似南朝王謝宅黃昏不見燕飛來

謁張睢陽廟二首

月中聞笛倚山樓按劔悲歌凜若秋軍令驚看郎將面民心知重國家讎百夫忍餓捐生易數齒空存抉視休厲鬼可爲終殺賊寶刀先斷賀蘭頭

金吾謝表字淋漓主辱當臣致命時餘事讀書能熟誦傷心出陣尚裁詩生平博雅于嵩見死後勦勞李翰知三十六人多少

恨一聲南八是男兒

將歸郡陽

詩賣明時說養親空齋仰屋惜勞身棧中偶戀三升豆面上新
添一斗塵拜月歸調嬌女笑彈琴待看鬢絲春忍飢畢竟還家
好算作天涯旅食人

答靳大千

樹椿

太守

罷官不得去賃廡不可春出門三步卽荆棘若閉新婦車帷中
偶然識面一抵掌大笑圭角都磨礪羊犇珠落囚癡龍忍飢耻
學號寒蟲箕踞談詩眼張炬如邁勁敵爭提封浩歌夜半燭欲
滅滿座怪雨吹盲風詩能窮人古所戒鐫刻應悔吟哦工可憐
清貧太守賣書已萬卷攢眉尚賦車渠碗

大千招飲語亡女事甚悲作歌慰之

盧家崔家葬金枕嬌女離魂盡衣卷賣匱買棺不敢哭月照而
翁雙淚眼熱官不直一大錢胡牀坐嘯今無鹽高歌已忘死邱
壑吐氣直欲搖星躔自言舊詩隨手失背誦猶能記什一不信
前賢畏後生喚我寒山一片石夜闌涼月天西沈全家遠寄風
濤深老妻生作望夫石弱息死變銜冤禽丈夫涕泗肯輕落鑄
鐵原無六州錯酒酣大笑忽傷心淚滴深杯仰天酌

送李杞園之雲南二首

初騎瘦馬脫儒冠石磴穿雲上百盤一劒光能消瘴癘十年人
不識飢寒離鄉味似新婚別乍客身經蜀道難歷盡奇峯堪閱
世願君一步一回看

新月寒生織女機春風空長故山薇地當南詔黃金賤天隔中
原旅雁稀孤館讀書鐙自剪窮邊懷友夢難歸登樓篝火明沙

忠雅堂文集卷二
磧閒望羌兒夜打圍

忠雅堂文集卷二